

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva unutrašnjih poslova, Vlada Zeničko-dobojskog kantona, na 116. sjednici održanoj dana 02.11.2017. godine, donosi

## ZAKLJUČAK

### I.

Utvrđuje se Prijedlog Zakona o plaćama i naknadama policijskih službenika Zeničko-dobojskog kantona.

### II.

Prijedlog Zakona iz tačke I ovog Zaključka se upućuje u dalju skupštinsku proceduru po skraćenom postupku.

### III.

Zaključak stupa na snagu danom donošenja.


Broj: 02- ~~02-15009~~ /17.  
Datum, 02.11.2017. godine  
Z e n i c a

DOSTAVLJENO:

Ix Ministarstvo unutrašnjih poslova,

Stručna služba Skupštine,

Ix a/a.

 **PREMIJER**  
*Miralem Galijašević*

Na osnovu člana 37. stav 1. tačka f) Ustava Zeničko – dobojskog kantona, Skupština Zeničko – dobojskog kantona na \_\_\_\_\_sjednici održanoj \_\_\_\_\_2017. godine, d o n o s i:

**Z A K O N**  
**O PLAĆAMA I NAKNADAMA POLICIJSKIH SLUŽBENIKA**  
**ZENIČKO-DOBOJSKOG KANTONA**

**DIO PRVI - OSNOVNE ODREDBE**

**Član 1.**  
**(Predmet Zakona)**

Ovim zakonom uređuju se plaće, platni razredi i koeficijenti za platne razrede, naknade kao i druga pitanja koja se odnose na primanja policijskih službenika Ministarstva unutrašnjih poslova Zeničko-dobojskog kantona (u daljem tekstu: Ministarstvo).

**Član 2.**  
**(Definicije pojmova korištenih u Zakonu)**

Pojmovi korišteni u ovom zakonu imaju sljedeće značenje:

- a) „policijski službenik“, je policijski službenik zaposlen u Upravi policije Ministarstva;
- b) „radno mjesto“ je pozicija na koju se raspoređuje policijski službenik utvrđena Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona ( u daljem tekstu: Pravilnik o unutrašnjoj organizaciji );
- c) „osnovica za obračun plaće“ predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće;
- d) „platni razred“ predstavlja razvrstavanje radnih mjesta prema činu, utvrđenih u Pravilniku o unutrašnjoj organizaciji, radi određivanja iznosa osnovne plaće policijskog službenika;
- e) „koeficijent“ predstavlja brojčanu vrijednost koja se iskazuje arapskim brojevima za svaku poziciju radnog mjesta koje je razvrstano u platne razrede Ministarstva za utvrđivanje visine osnovne plaće;
- f) „puno radno vrijeme policijskog službenika“ je 40 sati sedmično;
- g) „noćni rad“ je rad između 22 sata uvečer i 07 sati ujutro;
- h) „prekovremeni rad“ je rad duži od punog radnog vremena, utvrđen Zakonom o policijskim službenicima Zeničko-dobojskog kantona-Prečišćeni tekst („Službene novine Zeničko-dobojskog kantona“ broj: 4/14, u daljem tekstu: Zakon o policijskim službenicima).

**Član 3.**  
**(Finansijska sredstva)**

Finansijska sredstva za plaće, naknade i druga primanja policijskih službenika predviđena ovim zakonom planiraju se i osiguravaju se u Budžetu Zeničko-dobojskog kantona (u daljem tekstu: Budžet Kantona).

**Član 4.**  
**(Načela)**

Pri određivanju iznosa plaće i naknada za policijske službenike poštivat će se sljedeća načela:

- a) isti koeficijent za isti čin policijskog službenika;

- b) transparentnost: prilikom objavljivanja javnog konkursa ili oglasa za popunu slobodnih radnih mjesta policijskog službenika obavezno se objavljuje podatak o pripadajućoj osnovnoj neto plaći za oglašena radna mjesta.
- c) fiskalna odgovornost: u skladu sa ovim načelom utvrđivanje i isplata bruto plaće i naknade korisniku prava koje tretira ovaj Zakon na osnovu utvrđene osnovice može se vršiti samo do visine planiranih sredstava u budžetu za te namjene.

## **DIO DRUGI - PLAĆE I DODACI**

### **Član 5. (Bruto i neto plaće)**

- (1) Plaća policijskog službenika utvrđuje se u bruto i neto iznosu.
- (2) Plaća u bruto iznosu obuhvata neto plaću, poreze i doprinose.

### **Član 6. (Osnovna plaća)**

(1) Osnovnu plaću policijskog službenika određuje osnovica iz člana 8. ovog zakona pomnožena sa koeficijentom platnog razreda iz člana 9. ovog zakona i iznos povećanja ostvaren po osnovu radnog staža iz člana 7. stav (3) ovog zakona.

(2) Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

(3) Osnovna plaća policijskog službenika ne može biti manja od 70% od prosječne neto plaće isplaćene u Federaciji Bosne i Hercegovine (u daljem tekstu: Federacija) prema posljednjem objavljenom statističkom podatku.

(4) U slučaju da množenjem utvrđene osnovice i pripadajućeg koeficijenta osnovna plaća iznosi manje od 70% od prosječne plaće iz stava (3) ovog člana, policijskom službeniku će se isplatiti plaća u iznosu iz stava (3) ovog člana.

(5) Ukoliko policijski službenik radi sa nepunim radnim vremenom, u skladu sa posebnim zakonom ili drugim propisom, plaća će se odredit srazmjerno vremenu provedenom na radu.

### **Član 7. (Plaća i dodatak na plaću)**

(1) Plaća policijskog službenika veže se uz njegov čin.

(2) Sastavni dio plaće policijskog službenika čini osnovna plaća iz člana 6. stav (1) ovog zakona, dodatak na plaću iz člana 10. ovog zakona i naknada za prekovremeni rad, rad u neradne dane, noćni rad i rad u dane državnih praznika iz člana 17. ovog zakona.

(3) Plaća iz stava (2) ovog člana povećava se za 0,5% za svaku punu godinu radnog staža, s tim da ukupno povećanje po ovom osnovu ne može biti veće od 20%.

### **Član 8. (Način utvrđivanja osnovice za obračun plaće)**

(1) Visina osnovice za obračun plaće utvrđuje se na osnovu najniže neto satnice dogovorene između Vlade Kantona i sindikata na način da se najniža neto satnica množi sa fondom radnih sati u mjesecu.

(2) Osnovica iz stava (1) ovog člana za obračun plaće utvrđuje se prije donošenja Budžeta Kantona za narednu fiskalnu godinu, a primjenjuje se od 01. januara za svaku narednu godinu koja se usklađuje sa Zakonom o budžetu, odnosno sa raspoloživim sredstvima za potrebe iz člana 3. ovog zakona.

(3) Ukoliko Vlada Kantona i sindikat ne dogovore osnovicu iz stava (1) ovog člana, ranije dogovorena osnovica ostaje na snazi do dogovora Vlade Kantona i sindikata, a najduže 90 dana.

### **Član 9. (Platni razredi, činovi i koeficijenti za policijske službenike)**

Koeficijent za obračun plaće policijskog službenika utvrđuje se prema platnom razredu koji je vezan za čin i to:

PLATNI RAZRED	ČINOVI	KOEFICIJENTI
I	generalni inspektor policije	6,95
II	glavni inspektor	5,90
III	samostalni inspektor	4,90
IV	viši inspektor	4,30
V	inspektor	4,00
VI	mlađi inspektor	3,60
VII	stariji narednik	3,30
VIII	narednik	3,10
IX	stariji policajac	2,90
X	policajac	2,70

### **Član 10. (Poseban dodatak na plaću)**

(1) Policijski službenik ima pravo na poseban dodatak na plaću u iznosu do 30% od osnovne plaće policijskog službenika, bez dijela plaće po osnovu radnog staža iz člana 7. stav (3) ovog zakona.

(2) Policijski službenik raspoređen na poslove i zadatke u Specijalnoj policijskoj jedinici ima pravo na poseban dodatak na plaću u iznosu do 40% osnovne plaće policijskog službenika, bez dijela plaće po osnovu radnog staža iz člana 7. stav (3) ovog zakona.

(3) Dodatak iz stava (1) i (2) ovog člana utvrđuje zavisno od rizika, odgovornosti, složenosti ili posebnih radnih uslova na određenim radnim mjestima ministar Ministarstva (u daljem tekstu: ministar), na prijedlog policijskog komesara Ministarstva (u daljem tekstu: policijski komesar).

(4) Uz dodatak iz stava (1) ovog člana u posebnim okolnostima ministar može na prijedlog policijskog komesara utvrditi veći trajni dodatak za pojedina radna mjesta u iznosu 10% od osnovne plaće policijskog službenika.

### **Član 11. (Dodatak za izvanredne radne rezultate)**

(1) Na osnovu izuzetnih i objektivno ocijenjenih radnih rezultata policijskog službenika, ministar na prijedlog policijskog komesara može odlučiti o jednokratnom dodatku na plaću tom službeniku u iznosu do 30% od osnovne plaće.

(2) Dodatak iz stava (1) ovog člana može se isplatiti policijskom službeniku dva puta u toku jedne kalendarske godine.

(3) Odluka o isplati dodatka iz stava (1) ovog člana objavljuje se na oglasnoj ploči Ministarstva.

## **DIO TREĆI - OBRAČUN I ISPLATA PLAĆE**

### **Član 12. (Način obračuna i isplate plaće)**

(1) Plaća policijskog službenika se obračunava za jedan mjesec unatrag, a isplaćuje za prethodni mjesec u skladu sa Zakonom o radu i Zakonom o izvršavanju budžeta Kantona.

(2) Plaća iz stava (1) ovog člana utvrđuje se rješenjem koje donosi ministar.

(3) Rješenje iz stava (2) ovog člana sadrži lične podatke policijskog službenika, čin, platni razred i sve elemente koji su uzeti u obzir za utvrđivanje visine plaće.

(4) Podaci o plaćama policijskih službenika su javni.

## **DIO ČETVRTI – NAKNADE**

### **Član 13. (Druge vrste naknada)**

Policijski službenik ima pravo na naknade utvrđene u odredbama člana 14. do 29. ovog zakona.

### **Član 14. (Naknada zbog privremene spriječenosti za rad)**

(1) Policijski službenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće iz prethodnog mjeseca.

(2) Naknada plaće za bolovanje preko 42 dana iz stava (1) ovog člana ostvaruje se po propisu Kantona kojim se uređuje naknada za ovo bolovanje, s tim da razliku do pune plaće isplaćuje Ministarstvo u kojem se policijski službenik nalazi u radnom odnosu.

### **Član 15. ( Naknada za porodijski dopust )**

Policijski službenik za vrijeme porodijskog dopusta ima pravo na naknadu plaće prema propisima Kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje Ministarstvo u kojem se policijski službenik nalazi u radnom odnosu.

### **Član 16. (Naknada za slučaj teške bolesti i invalidnosti)**

(1) U slučaju nastanka teške bolesti i invalidnosti policijskog službenika ili člana njegove uže porodice, isplaćuje se jednokratna novčana pomoć u visini od dvije prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.

### **Član 17. (Naknada za prekovremeni rad, rad u neradne dane, noćni rad i rad u dane državnih praznika)**

(1) U slučaju prekovremenog rada, noćnog rada, rada u dane sedmičnog odmora, i rada u dane državnih praznika, policijski službenik ima pravo na naknadu osnovne plaće srazmjerno vremenu trajanja tog rada, uvećanu za:

(a) prekovremeni rad:

- 40% ukoliko je prekovremeni rad bio u periodu između 22,00 i 07,00 sati;

- 30% ukoliko je prekovremeni rad bio u periodu između 07,00 i 22,00 sati;
- (b) noćni rad 30%;
- (c) rad u dane sedmičnog odmora 20%;
- (d) rad u dane državnih praznika 50%.

(2) Obračun naknade iz stava (1) ovog člana vrši se od osnovne plaće bez dijela plaće po osnovu radnog staža.

(3) Policijski službenik čiji je raspored rada organizovan u turnusima-smjenama, nema pravo na naknadu za redovan rad u dane vikenda (subota i nedjelja) izuzev naknade za rad u dane državnih praznika i za noćni rad.

(4) U prekovremeni rad ne ulazi noćni rad.

### **Član 18.**

#### **(Naknada za privremeni interni premještaj)**

(1) Policijski službenik koji je premješten na drugo radno mjesto koje je 70 km ili više udaljeno od njegovog trenutnog radnog mjesta ima pravo da uz osnovnu plaću koja je određena u skladu sa članom 6. stav (1) ovog zakona i pravo na naknadu za privremeni interni premještaj, koja se sastoji od:

- a) naknade troškova za odvojeni život i
- b) naknade za odgovarajući smještaj.

(2) Pravo na naknadu iz stava (1) ovog člana ne ostvaruje policijski službenik koji je premješten po ličnom zahtjevu, kao i policijski službenik koji je prvi put raspoređen na radno mjesto.

### **Član 19.**

#### **(Otpremnina u slučaju otpusta zbog viška policijskih službenika)**

(1) U slučaju otpusta zbog viška policijskih službenika u skladu sa zakonom, otpušteni policijski službenik koji ima do 15 godina penzijskog staža ima pravo na otpremninu koja odgovara iznosu plaće koju je primio u vrijeme kada je proglašen viškom, obračunate za period od pet mjeseci.

(2) Otpremnina iz stava (1) ovog člana iznosi 10 mjesečnih plaća za policijske službenike koji imaju preko 15 godina penzijskog staža kao policijski službenici.

### **Član 20.**

#### **(Naknada za troškove sahrane i za slučaj smrti)**

(1) Policijski službenik koji u toku vršenja dužnosti izgubi život, sahranjuje se na mjestu koje odrede članovi njegove uže porodice na trošak Ministarstva, koji se sastoji od sljedećeg:

- a) prijevoz posmrtnih ostataka na mjesto ukopa;
- b) putne troškove za dva prateća lica;
- c) trošak za grobnicu, ukoliko nije već osigurana na drugi način;
- d) druge uobičajne troškove u iznosu koji određuje Ministarstvo.

(2) Porodica koju je preminuli policijski službenik iz stava (1) ovog člana izdržavao, ima pravo na jednokratnu finansijsku pomoć u iznosu posljednje neto plaće koju je policijski službenik ostvario uvećane šest puta.

(3) U slučaju smrti policijskog službenika van vršenja službene dužnosti, porodici policijskog službenika koju je izdržavao, isplaćuju se troškovi sahrane u visini od četiri prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.

(4) Naknada iz stava (3) ovog člana isplaćuje se i u slučaju smrti člana uže porodice policijskog službenika.

(5) Ukoliko u Ministarstvu rade dva ili više članova porodice, troškovi sahrane iz stava (3) ovog člana isplaćuju se samo jednom zaposlenom članu porodice.

(6) U slučaju smrti roditelja, policijskom službeniku pripada naknada iz stava (3) ovog člana bez obzira da li su živjeli u zajedničkom domaćinstvu.

### **Član 21. (Članovi uže porodice)**

Članom uže porodice policijskog službenika, u smislu ovog zakona smatraju se:

- a) bračni i vanbračni drug ako žive u zajedničkom domaćinstvu sa policijskim službenikom,
- b) dijete (bračno, vanbračno, usvojeno, pastorče i dijete bez roditelja uzeto na izdržavanje do 18. godine, odnosno do 26. godine života ako se nalazi na redovnom školovanju i nije u radnom odnosu, a djeca nesposobna za rad bez obzira na starosnu dob),
- c) roditelji (otac, majka, očuh, maćeha i usvojitelji) ako žive u zajedničkom domaćinstvu sa policijskim službenikom,
- d) braća i sestre bez roditelja do 18., odnosno do 26. godine života ako se nalaze na redovnom školovanju i nemaju drugih prihoda, već ih policijski službenik stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na dob, pod uvjetom da sa njima živi u zajedničkom domaćinstvu, i
- e) unučad ako nemaju roditelja i žive u zajedničkom domaćinstvu sa policijskim službenikom.

### **Član 22. (Pravo na osiguranje od posljedica nesretnog slučaja)**

(1) Policijski službenik ima pravo na osiguranje od posljedica nesretnog slučaja s uključenim rizikom od prirodne smrti za vrijeme trajanja radnog odnosa.

(2) Visina osiguranja po ovoj osnovi određuje se prema polisi osiguranja od posljedica nesretnog slučaja, odnosno polisi osiguranja od prirodne smrti.

(3) Ugovor o osiguranju sa odgovarajućom osiguravajućom kućom zaključuje premijer Kantona za sve policijske službenike u Kantonu u skladu sa Kolektivnim ugovorom.

### **Član 23. (Naknada za prevoz na posao i sa posla)**

(1) Policijskom službeniku kojem nije organizovan službeni prijevoz na posao i sa posla, pripada naknada za troškove prijevoza na posao i sa posla u visini, na način i pod uslovima koji Vlada Kantona utvrdi uredbom iz člana 30. ovog zakona.

(2) Naknada iz stava (1) ovog člana neće se obračunavati za vrijeme odsutnosti sa posla po osnovu službenog puta, bolovanja ili godišnjeg odmora.

### **Član 24. (Naknada za ishranu tokom rada)**

(1) Policijski službenik ima pravo na naknadu za ishranu u toku rada (topli obrok) samo za dane prisustva na poslu.

(2) Policijski službenici ostvaruju pravo iz stava (1) ovog člana u obliku naknade za ishranu za vrijeme rada (topli obrok) a visina i način ostvarivanja naknade utvrdit će se posebnim aktom Vlade Kantona.

(3) Pravo na naknadu iz stava (1) i (2) ovog člana ne ostvaruje se u slučaju odsustvovanja sa posla po bilo kom opravdanom ili neopravdanom osnovu (službeni put, plaćeno odsustvo, odsustvo zbog bolesti i sl.).

#### **Član 25. (Regres)**

(1) Policijski službenik ima pravo na naknadu na ime regresa za korištenje godišnjeg odmora u visini od 50% prosječne neto plaće isplaćene u Federaciji prema posljednjem objavljenom statističkom podatku.

(2) Pravo na regres iz stava (1) ovog člana ima svaki policijski službenik koji u toku tekuće kalendarske godine ima pravo na godišnji odmor.

#### **Član 26. (Otpremnina)**

Policijski službenik ima pravo na otpremninu prilikom odlaska u penziju u visini svojih pet ostvarenih prosječnih neto plaća isplaćenih u prethodnih pet mjeseci.

#### **Član 27. (Naknada za službeni put)**

(1) Policijski službenik ima pravo na naknadu za troškove službenog putovanja na području Federacije, odnosno Bosne i Hercegovine kao i za putovanje u inostranstvo, na koje se upućuje zbog izvršavanja službenog zadatka.

(2) Visinu i način ostvarivanja naknade iz stava (1) ovog člana utvrđuje Vlada Kantona u skladu sa Kolektivnim ugovorom.

#### **Član 28. (Naknada za odvojeni život od porodice i smještaj u mjestu rada)**

Policijski službenik čije je mjesto prebivališta udaljeno više od 70 km od mjesta rada ima pravo na naknadu troškova smještaja u mjestu rada u iznosu i na način koji Vlada Kantona utvrdi za državne službenike i namještenike.

#### **Član 29. (Druge naknade)**

Policijski službenik ima pravo i na druge naknade utvrđene Kolektivnim ugovorom.

### **DIO PETI - DONOŠENJE PODZAKONSKOG PROPISA I RJEŠENJA**

#### **Član 30. (Propis o uvjetima i postupku ostvarivanja naknada)**

Vlada Kantona će na prijedlog Ministarstva donijeti uredbu o uslovima, kriterijima i načinu ostvarivanja naknada i drugih materijalnih prava utvrđenih ovim zakonom u roku od 60 dana od dana stupanja na snagu ovog zakona.

#### **Član 31. (Donošenje rješenja)**

(1) Naknade i druga materijalna prava predviđena u odredbama članova: 15., 16., 17. stav (1) tačka a), 18., 19., 20., 23., 26. i 28. ovog zakona ostvaruju se donošenjem rješenja.  
(2) Rješenja iz stava (1) ovog člana donosi ministar.

## **DIO ŠESTI - NADZOR NAD PRIMJENOM OVOG ZAKONA**

### **Član 32. (Nadzor nad primjenom ovog zakona)**

Nadzor nad primjenom ovog zakona vrši Ministarstvo unutrašnjih poslova Zeničko-dobojskog kantona i Ministarstvo finansija Zeničko-dobojskog kantona, svako u okviru svojih nadležnosti.

## **DIO SEDMI - KAZNE NE ODREDBE**

### **Član 33. (Kazne za prekršaje)**

Novčanom kaznom u iznosu od 500,00 KM do 2.000,00 KM bit će kažnjen za prekršaj ministar ako:

- a) ne odredi plaću policijskom službeniku u skladu sa njegovim činom (član 7. stav (1));
- b) ne odredi dodatak na plaću u skladu sa članom 10. ovog zakona;
- c) ne donese rješenje o plaći (član 12. stav (2));
- d) odredi naknade suprotno članu 14. do 29. ovog zakona;
- e) ako ne donese pravilnik o plaćama i naknadama (član 30.).

## **DIO OSMI - PRELAZNE I ZAVRŠNE ODREDBE**

### **Član 34. (Usklađivanje Kolektivnog ugovora)**

Vlada Kantona i Sindikat dužni su uskladiti odredbe granskog Kolektivnog ugovora sa ovim zakonom u roku od 3 mjeseca od dana stupanja na snagu ovog zakona.

### **Član 35. (Prelazna odredba o plaćama)**

(1) Policijskom službeniku kojem stupanjem na snagu ovog zakona bude u istom činu obračunata niža plaća od one na koju je imao pravo na dan prije stupanja na snagu ovog zakona, dodjeljuje se dodatak jednak razlici ranije plaće i plaće obračunate u skladu sa ovim zakonom, a najduže do 31.12.2017.godine.

(2) Policijskom službeniku sa dodijeljenim činom generalni inspektor policije nakon stupanja na snagu ovog zakona, dodijelit će se dodatak jednak razlici plaće utvrđene za čin generalni inspektor policije prema propisu koji je važio do dana stupanja na snagu ovog zakona i plaće obračunate po ovom zakonu.

(3) Pravo na dodatak iz stava (2) ovog člana pripada policijskom službeniku sve dok razlika u plaći ne bude pokrivena budućim povećanjima njegove osnovne plaće.

*Handwritten signature in blue ink.*

**Član 36.**  
**(Prestanak primjene odredbi drugih propisa)**

- (1) Danom stupanja na snagu ovog zakona prestaju da važe:
- a) Odredbe Zakona o policijskim službenicima koje se odnose na plaće, dodatke na plaću, naknade i ostala materijalna primanja ako su drugačije uređena ovim zakonom;
  - b) Odredbe Uredbe o plaćama, naknadama i drugim materijalnim pravima policijskih službenika Zeničko-dobojskog kantona ("Službene novine Zeničko-dobojskog kantona", broj: 3/08, 10/09, 13/09, 2/10 i 7/10, 3/12, 12/12, 14/12, 5/14, 6/14, 1/15, 3/15 i 5/15), koje se odnose na plaće, naknade i ostala materijalna primanja ako su drugačije uređena ovim zakonom.
- (2) Svi predmeti koji su u postupku rješavanja, rješavaće se u skladu sa propisima koji su važili do donošenja ovog zakona, ako je povoljnije za policijskog službenika.

**Član 37.**  
**(Ravnopravnost polova)**

Odredbe ovog zakona odnose se podjednako na osobe ženskog i muškog pola, bez obzira na rod imenice upotrijebljene u tekstu zakona.

**Član 38.**  
**(Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: \_\_\_\_\_  
Zenica, \_\_\_\_\_

Predsjedavajući Skupštine  
Zeničko-dobojskog kantona

Jasmin Duvnjak

*Handwritten signature in blue ink, partially illegible, possibly reading "Ad.M. Duvnjak".*

# OBRASLOŽENJE

## I USTAVNI OSNOV

Ustavni osnov za donošenje Zakona o plaćama i naknadama policijskih službenika Zeničko-dobojskog kantona sadržan je u odredbi člana 37. stav 1. tačka f) Ustava Zeničko-dobojskog kantona kojim je propisano da Skupština Zeničko-dobojskog kantona donosi zakone i druge propise za izvršavanje kantonalnih nadležnosti.

## II RAZLOZI ZA DONOŠENJE

Razlog za donošenje Zakona o plaćama i naknadama policijskih službenika Zeničko-dobojskog kantona (u daljem tekstu: Zakon) prizilazi iz Zakona o plaćama i naknadama policijskih službenika Federacije Bosne i Hercegovine („Službene novine F BiH“, broj: 45/10) i to odredbi članova 31.-35. poglavlja VI. PRIMJENA ZAKONA U KANTONIMA (u daljem tekstu: federalni Zakon), kojim je utvrđena dužnost kantona da donesu kantonalni propis o plaćama i naknadama policijskih službenika, usklađen sa odredbama članova 3. stav 2., 6., 7. i 9. federalnog Zakona i uz poštovanje načela iz člana 4. tog Zakona.

Federalnim Zakonom je utvrđeno da će se kantonalnim propisom utvrditi visina i način ostvarivanja plaća, naknada, dodataka na plaću, koeficijenti i platni razredi policijskih službenika u kantonalnim ministarstvima unutrašnjih poslova, u roku od 90 dana od dana donošenja federalnog Zakona.

Zakonom o policijskim službenicima Zeničko-dobojskog kantona i Uredbom Vlade Zeničko-dobojskog kantona trenutno je uređeno pitanje plaća i naknada policijskih službenika.

Imajući u vidu činjenicu da nije u pitanju obiman i složen Zakon, kao i Sporazum koji je potpisan između Vlade Zeničko-dobojskog kantona i Sindikata policije Ministarstva unutrašnjih poslova u kojem je dogovoren početak primjene u mjesecu Oktobru, predlažemo donošenje Zakona o o plaćama i naknadama policijskih službenika Zeničko-dobojskog kantona u navedenom tekstu i to po skraćenom postupku.

## III OBJAŠNJENJE PREDLOŽENIH PRAVNIH RJEŠENJA

Prijedlog Zakona je pripremljen u skladu sa Jedinostvenim pravilima za izradu pravnih propisa u Zeničko-dobojskom kantonu i u cjelini je usaglašen sa odredbama federalnog Zakona, a sadrži slijedeće dijelove:

Dio prvi: Osnovne odredbe (član od 1. do 4.)

U osnovnim odredbama propisan je predmet Zakona, definicije pojmova korištenih u Zakonu, izvor finansijskih sredstava za plaće, naknade i druga primanja policijskih službenika, ovlaštenje Vlade Zeničko-dobojskog kantona da osigura jedinstven isplatni koeficijent te načela koja se moraju poštovati pri određivanju iznosa plaća i naknada policijskih službenika.

Dio drugi: Plaće i dodaci (član od 5. do 11.)

U ovom dijelu propisana je bruto i neto plaća, osnovna plaća, dodatak na plaću, način utvrđivanja osnovice za obračun plaće, platni razredi, činovi i koeficijenti za policijske službenike, te poseban dodatak na plaću i dodatak za izvanredne radne rezultate.

Koeficijenti propisani u prijedlogu Zakona utvrđeni su, shodno članu 33. federalnog Zakona, u visini od 80% od koeficijenata utvrđenih za policijske službenike u Federaciji Bosne i Hercegovine prema federalnom Zakonu.

Dio treći: Obračun i isplata plaće (član 12.)

U ovom dijelu propisan je način obračuna i isplate plaće, donošenje rješenja kojim se utvrđuje plaća policijskih službenika te javnost podataka o plaći.

Dio četvrti: Naknade (član od 13. do 29.)

U ovom dijelu utvrđene su naknade na koje ima pravo policijski službenik i to: zbog privremene spriječenosti za rad, za slučaj teške bolesti ili invalidnosti, za prekovremeni rad, rad u neradne dane, noćni rad i rad u dane državnih praznika, za privremeni interni premještaj, za slučaj otpusta zbog viška policijskih službenika, za troškove sahrane u slučaju smrti, pravo na osiguranje od posljedica nesretnog slučaja, za prijevoz na posao i sa posla, za ishranu tokom rada, regres, otpremnina, za službeni put i za odvojeni život od porodice i smještaj u mjestu rada. U ovom dijelu predviđena je mogućnost da se, kolektivnim ugovorom, utvrde i druge naknade a propisano je i ko su članovi uže porodice policijskog službenika.

Dio peti: Donošenje podzakonskog propisa i rješenja (član 30. i 31.)

U ovom dijelu propisana je obaveza donošenja uredbe o uslovima, kriterijima i načinu ostvarivanja naknada i drugih materijalnih prava i donošenja odgovarajućih rješenja.

Dio šesti: Nadzor nad primjenom zakona (član 32.)

U ovom dijelu je propisano da nadzor nad provođenjem odredbi ovog Zakona vrše Ministarstvo unutrašnjih poslova i Ministarstvo finansija Zeničko-dobojskog kantona, svako u okviru svojih nadležnosti.

Dio sedmi: Kaznene odredbe (član 33.)

U ovom dijelu su propisane novčane kazne za prekršaje propisane ovim Zakonom.

Dio osmi: Prijelazne i završne odredbe (član od 34. do 38.)

U ovom dijelu propisana je obaveza usklađivanja granskog kolektivnog ugovora sa odredbama Zakona, prelazna odredba o plaćama, prestanak primjene odredbi drugih propisa, i stupanje na snagu Zakona.

#### IV POTREBNA FINANSIJSKA SREDSTVA

Za provođenje ovog Zakona potrebno je osigurati dodatna sredstva u Budžetu Zeničko-dobojskog kantona, a obračun je utvrđen na osnovu visine koeficijenata propisanih prijedlogom Zakona utvrđenih u iznosu od 80% koeficijenata propisanih federalnim Zakonom.

Izjava o fiskalnoj procjeni i tabelarni pregled koeficijenata za policijske službenike su sastavni dio obrazloženja ovog Zakona.



OBRAZAC IZJAVE O FISKALNOJ PROCJENI

Obrazac IFP-DA

MINISTARSTVO UNUTRAŠNJIH POSLOVA ZENIČKO-DOBROJSKOG KANTONA

MZUV

KOD  
15010001

Razred

B.2. Osnovni podaci o prijedlogu propisa

Vrsta propisa

Naziv propisa

ZAKON O PULCAMA I NAKNADAMA POLICIJSKIH SLUŽBENIKA ZENIČKO-DOBROJSKOG KANTONA

Zakon

Uredba

DA

NE

ODLUKA

DRUGI AKTI

Strategija

DRUGI AKTI PLANIRANJA

NE

NE

NE

C.3. Fiskalni efekt

3.3. Fiskalni efekti izdavanja

KOD	NAZIV	OČEKIVANI PRIHODI I PRIMICI U TEKUĆOJ GODINI n					OČEKIVANI PRIHODI I PRIMICI U TEKUĆOJ GODINI n+1					OČEKIVANI PRIHODI I PRIMICI U TEKUĆOJ GODINI n+2							
		1	2	3	4	5	6=4-5	7	8	9	10	11	12	13	14	15	16	17	18=16-17
711000	Porezi na dobit po jedinica	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
712000	Doprinosi za socijalnu zaštitu	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
713000	Porezi na plaću i radnu snagu	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
714000	Porezi na imovinu	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
715000	Domaći porezi na dobra i usluge (zaposlate obaveze na osnovu poreza na promet dobara i usluga)	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
716000	Porez na dohodak	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
717000	Porezi od indirektnih poreza	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
719000	Ostali porezi	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
721000	Prihodi od poduzetanih aktivnosti i imovine i prihodi od pozivnih kursnih razlika	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
722000	Naknade i usuge i prihodi od pružanja javnih usluga	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
723000	Novčane kazne (nepopravne prihode)	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
791000	Prinijeti tekuci transferi od inostranih vlada i međunarodnih organizacija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
792000	Prinijeti tekuci transferi od ostalih nivoa vlasti	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
733000	Donacije	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
741000	Prinijeti kapitalni transferi od inostranih vlada i međunarodnih organizacija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
742000	Kapitalni transferi od ostalih nivoa vlasti	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
777000	Prihodi po osnovu zaposlanih obaveza	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
789000	Prihodi od internih transakcija	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
811000	Kapitalni prihodi od prodaje stalnih sredstava	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
813000	Prihodi od finansijske imovine	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
814000	Prihodi od dugoročnog zaduživanja	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
815000	Prihodi od kratkoročnog zaduživanja	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
UKUPNO PRIHODI I PRIMICI		0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00
3.3.2. Rashodi i izdaci državnih		0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00	0,00

TRŠKOVI PROVOĐENJA U TEKUĆOJ GODINI n


TRŠKOVI PROVOĐENJA U TEKUĆOJ GODINI n+1

TRŠKOVI PROVOĐENJA U TEKUĆOJ GODINI n+2

KOD	NAZIV	TRŠKOVI PROVOĐENJA U TEKUĆOJ GODINI n					TRŠKOVI PROVOĐENJA U TEKUĆOJ GODINI n+1					TRŠKOVI PROVOĐENJA U TEKUĆOJ GODINI n+2							
		1	2	3	4	5	6=4-5	7	8	9	10	11	12	13	14	15	16	17=14+15+16	18=17-18
611000	Plaće i naknade troškova zaposlenih	186.340,00			186.340,00	186.340,00	644,5	745.290,00			118.944,0	124.114,12						774441516	18171718
612000	Doprinosi poslodavca i ostali doprinosi	30.786,00			30.786,00	30.786,00	122.884,00			74.884,02	121.884,02							774441516	18171718
613000	Izdaci za materijal, stini inventari i usluge				0,00	0,00				0,00	0,00							774441516	18171718
614000	Tekuci transferi i drugi tekuci rashodi				0,00	0,00				0,00	0,00							774441516	18171718
615000	Kapitalni transferi				0,00	0,00				0,00	0,00							774441516	18171718
616000	Izdaci za kamate				0,00	0,00				0,00	0,00							774441516	18171718
689000	Rashodi od internih transakcija				0,00	0,00				0,00	0,00							774441516	18171718
821000	Izdaci za nabavku stalnih sredstava				0,00	0,00				0,00	0,00							774441516	18171718
822000	Izdaci za finansijsku imovinu				0,00	0,00				0,00	0,00							774441516	18171718
823000	Izdaci za objave dugova				0,00	0,00				0,00	0,00							774441516	18171718
UKUPNO RASHODI IZDACI		217.066,00			217.066,00	217.066,00	883.244,00			193.828,02	193.828,02							883.244,00	193.828,02
3.3. FISKALNI EFEKT PROPIISA					0,00	0,00				0,00	0,00							0,00	0,00
3.3. Očekivane promjene u prihodima i primicima na rashodima i izdacima					0,00	0,00				0,00	0,00							0,00	0,00

Odlučen da se primjenjuje ovaj Zakon od 01.10.2017. godine dostaviti finansijska sredstva za njegovu primjenu u 2017. godini iznose 217.066,00 KM, a u 2018. godini 883.244,00 KM.

4. Promjena Broja zaposlenih

PERIOD	SISTEMATIZOVANO				PLANIRANO PRORAČUNOM				TRENUTNO STANJE				POTREBNO		
	Postojeće stanje (n)	n+1	n+2	UKUPNO	Postojeće stanje (n)	n+1	n+2	UKUPNO	n+1	n+2	Postojeće stanje (n)	n+1	n+2		
Rukovodni službenici i Savjetnici															
Službenici Navedeni u Volontiru															
<b>UKUPNO</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>	<b>0</b>
Obrazloženje															
5. Potencijalne obaveze za proračun															
NAZIV															
Garancije															
Ostalo															
<b>E. 6. Fiskalni efekti na druge razine vlasti</b>															
NAZIV															
Proračun BiH, Izvanproračunski fondovi i korisnici															
Proračun Federacije Bosne i Hercegovine, Federalni Izvanproračunski fondovi i korisnici															
Proračun kantona, Izvanbudžetski fondovi i korisnici															
Proračun Brčko distrikta Bosne i Hercegovine															
Jednice lokalne samouprave (općine i gradovi)															
F. 7. Pečati i papiris odgovornog lica obradivuda propisa															
 <p>Ministarstvo finansija Federacije Bosne i Hercegovine</p>										Mjesto i datum		Zenica, 27.09.2017. godine			

BOSNA I HERCEGOVINA  
Federacija Bosne i Hercegovine  
31. 10. 2017

04

Bosna i Hercegovina  
Federacija Bosne i Hercegovine  
**ZENIČKO - DOBOJSKI KANTON**  
MINISTARSTVO ZA  
PRAVOSUDE I UPRAVU



Bosnia and Herzegovina  
Federation of Bosnia and Herzegovina  
**ZENICA - DOBOJ CANTON**  
MINISTRY OF  
JUDICIARY & ADMINISTRATION

MINISTARSTVO UNUTARNJIH POSLOVA  
n/r ministra  
-ovdje-

Zenica, 31.10.2017.godine  
Veza Vas broj 08-04 1-02-1-5794 17 od 30.10.2017.  
Naš znak: 06/02 - 62-1426 / 17

**PREDMET: Prijedlog Zakona o plaćama i naknadama policijskih službenika Zeničko-dobojskog kantona - stajalište, dostavlja se**

Sukladno članku 11. Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 10/15), i članku 31. stavak (1) (točka a) Poslovnika o radu Vlade Zeničko-dobojskog kantona ("Službene novine Zeničko - dobojskog kantona" broj: 5/11), te na osnovu uvida u tekst Prijedlog Zakona o plaćama i naknadama policijskih službenika Zeničko-dobojskog kantona, dostavljamo vam sljedeće

*stajalište*

U postupku pravne analize Prijedloga Zakona o plaćama i naknadama policijskih službenika Zeničko-dobojskog kantona (u daljem tekstu: Prijedlog Zakona), provedene s ciljem utvrđivanje usklađenosti istog sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine ("Službene novine Federacije Bosne i Hercegovine", broj: 63/14);
- Zakonom o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05) i
- Zakonom o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 10/15).

Ministarstvo za pravosuđe i upravu Zeničko-dobojskog kantona (u daljem tekstu: Ministarstvo), s aspekta svoje mjerodavnost, a u pogledu usuglašavanja s Europskom konvencijom o zaštiti ljudskih prava i sloboda i drugim pravnim aktima kojima je utvrđena zaštita ljudskih prava i sloboda, konstatira da tekst Prijedloga Zakona ne sadrži diskriminatorске odredbe i odredbe koje bi bile u suprotnosti s Europskom konvencijom o zaštiti ljudskih prava i sloboda.

U pogledu sankcija, Ministarstvo konstatira da je Prijedlog Zakona usuglašen s odredbama Zakona o prekršajima ("Službene novine Federacije Bosne i Hercegovine", broj: 63/14).

Dostavljeni Prijedlog Zakona se ne bavi organizacijom organa uprave pa u pravcu usklađenosti s organizacijom i sistemom kantonalnih organa uprave ne možemo zauzeti stajalište.


Kada je u pitanju prijedlog obrađivača da se Zakon donese po skraćenom postupku, bez nacerta, stajalište Ministarstva je da se zakoni u pravilu, trebaju donositi u redovnom postupku. S obzirom na to da će o prijedlogu da se Zakon donese po skraćenom postupku, odlučivati Skupština, kao o prethodnom pitanju a sukladno članku 140. stavak 3. Poslovnika Skupštine, stajališta smo da se prijedlog Zakona može uputiti u dalju proceduru.

Sa štovanjem,

Dostaviti:  
1 x Naslovu  
1 x U pismohranu

MINISTAR  
Mirza Bašić

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
SEKRETARIJAT ZA  
ZAKONODAVSTVO



Bosnia and Herzegovina  
Federation of Bosnia &  
Herzegovina  
ZENICA-DOBOJ CANTON  
SECRETARIAT FOR  
LEGISLATION

Broj: 03-02-14525-1/17  
Zenica, 31.10.2017 godine

**MINISTARSTVO UNUTRAŠNJIH POSLOVA  
ZENIČKO-DOBOJSKOG KANTONA**

**PREDMET: Mišljenje o prijedlogu Zakona o plaćama i naknadama policijskih  
službenika Zeničko-dobojskog kantona - dostavlja se**

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11), te na osnovu uvida u tekst prijedloga Zakona o plaćama i naknadama policijskih službenika Zeničko-dobojskog kantona, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

**MIŠLJENJE**

Ustavni i pravni osnov prijedloga Zakona o plaćama i naknadama policijskih službenika Zeničko-dobojskog kantona (u daljem tekstu: Zakon) je pravilno utvrđen, u skladu sa ustavnim i zakonskim ovlaštenjima Kantona.


Prijedlog Zakona je usklađen sa pravnim sistemom, kao i sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona" broj 5/08).

Kada je u pitanju prijedlog obrađivača da se Zakon donese po skraćenom postupku, bez nacрта, smatramo potrebnim podsjetiti da se zakoni u pravilu, trebaju donositi u redovnom postupku.

Na kako će o prijedlogu da se Zakon donese po skraćenom postupku, odlučivati Skupština kao o prethodnom pitanju, na sjednici, tokom rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Novi prečišćen tekst („Službene novine Zeničko-dobojskog kantona" broj 7/12 i 12/13), mišljenja smo da se prijedlog Zakona može uputiti u dalju procedure.

S poštovanjem!

Dostavljeno:  
1 x Naslovu,  
1 x Sekretar Vlade,  
1 x a/a.



SEKRETAR  
*Berjana Ačkar*  
Berjana Ačkar



Broj: 07-02-14525-2/17  
Zenica, 31.10.2017. godine

**MINISTARSTVO UNUTRAŠNJIH POSLOVA**

**PREDMET:** Mišljenje na Prijedlog Zakona o plaćama i naknadama policijskih službenika  
Zeničko-dobojskog kantona - *dostavlja se*

Ministarstvo finansija je razmotrilo Prijedlog Zakona o plaćama i naknadama policijskih službenika Zeničko-dobojskog kantona, te u skladu sa članom 8. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16), članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

**MIŠLJENJE**

Članom 5. stav 2. Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15 i 104/16), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 42. stav 1. Zakona o budžetima u Federaciji BiH, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

U tački IV Obrazloženja Prijedloga Zakona o plaćama i naknadama policijskih službenika Zeničko-dobojskog kantona, navedeno je: „Za provođenje ovog Zakona potrebno je osigurati dodatna sredstva u Budžetu Zeničko-dobojskog kantona...“.

Članom 21. stav 2. Zakona o organizaciji organa uprave u Federaciji BiH („Službene novine Federacije BiH“, broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“


Iz dostavljene Izjave o fiskalnoj procjeni – Obrazac IFP-DA od 27.09.2017. godine, dostavljene uz Vaš akt broj: 08-04/1-02-1-5794/17 od 30.10.2017. godine, proizilazi da je za primjenu Prijedloga Zakona potrebno obezbijediti dodatna sredstva u Budžetu Zeničko-dobojskog kantona.

Odredbama člana 54. stav 1. Zakona o budžetima u Federaciji BiH, propisano je: „isplata bruto plaća i naknada, te naknada korisnicima prava po osnovu drugih zakona, na osnovu utvrđene osnovice može se vršiti samo do visine planiranih sredstava u budžetu za te namjene.“

Međutim, imajući u vidu Budžetski zahtjev Ministarstva unutrašnjih poslova za 2017/2018. godinu, kojim su predviđena sredstva za primjenu ovog Prijedloga Zakona, Ministarstvo finansija daje svoje uslovno mišljenje, ali samo pod uslovom da Skupština Zeničko-dobojskog kantona usvoji Izmjene i dopune Budžeta za 2017. godinu i Budžet Kantona za 2018. godinu i da se istim odobre uvećani budžetski zahtjevi Ministarstva unutrašnjih poslova za 2017. i 2018. godinu za povećanje pozicije plaća i naknada Ministarstva unutrašnjih poslova, radi primjene navedenog Zakona.

S poštovanjem!

Dostavljeno:  
1x Naslovu,  
1x a.a.



Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 133. stav (2) , 134. stav (5) i 139. stav (3) Poslovnika Skupštine Zeničko-dobojskog kantona-Novi prečišćeni tekst ("Službene novine Zeničko-dobojskog kantona", broj: 7/12 i 12/13), na prijedlog Ministarstva unutrašnjih poslova, Vlada Zeničko-dobojskog kantona na 118. sjednici. održanoj dana 23.11.2017. godine, d o n o s i

## ZAKLJUČAK

### I.

Vlada Zeničko-dobojskog kantona utvrđuje Amandman I na Prijedlog Zakona o plaćama i naknadama policijskih službenika Zeničko-dobojskog kantona", koji glasi:

#### "AMANDMAN I

U Prijedlogu Zakona o plaćama i naknadama policijskih službenika Zeničko-dobojskog kantona" u članu 35. (Prelazna odredba o plaćama) stav (1) iza riječi "zakonom " umjesto zarezav stavlja se tačka a ostatak teksta se briše.

U stavu (3) iza riječi "stava" dodaje se tekst "(1) i ".

### II.

Amandman iz tačke I ovog Zaključka postaje sastavni dio Prijedloga Zakona o plaćama i naknadama policijskih službenika Zeničko-dobojskog kantona.

### III.

Zaključak sa obrazloženjem upućuje se u dalju skupštinsku proceduru.

### IV.

Zaključak stupa na snagu danom donošenja.

Broj: 02- 02-16054 /17.

Datum, 23.11.2017. godine  
Zenica

DOSTAVLJENO:

1x Ministarstvo unutrašnjih poslova,

1x Stručna služba Skupštine,

1x a/a.



PREMIJER

*Miralem Galijašević*

## **O b r a z l o ž e n j e**

### **PRAVNI OSNOV:**

Pravni osnov za donošenje zaključka sadržan je u odredbama člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 7/10) i članom 133. stav (2) , 134. stav (5) i 139. stav (3) Poslovnika Skupštine Zeničko-dobojskog kantona-Novi prečišćeni tekst ("Službene novine Zeničko-dobojskog kantona", broj:7/12 i 12/13).

### **RAZLOZI DONOŠENJA:**

Na sastanku Sindikata Policije Ministarstva unutrašnjih poslova Zeničko-dobojskog kantona i Vlade Zeničko-dobojskog kantona postignut je dogovor na način da se u članu 35. (Prelazna odredba o plaćama) briše ograničenje roka primjene iz stava (1) , na način kako je i predloženo u tekstu amandmana.

U vezi sa navedenim Ministarstvo predlaže Vladi Zeničko-dobojskog kantona da donese Zaključak o utvrđivanju Amandmana I, kao u prijedlogu.

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 133. stav (2) , 134. stav (5) i 139. stav (3) Poslovnika Skupštine Zeničko-dobojskog kantona-Novi prečišćeni tekst ("Službene novine Zeničko-dobojskog kantona", broj: 7/12 i 12/13), na prijedlog Ministarstva unutrašnjih poslova, Vlada Zeničko-dobojskog kantona na 118. sjednici, održanoj dana 23.11.2017. godine, d o n o s i

## ZAKLJUČAK

### I.

Vlada Zeničko-dobojskog kantona utvrđuje Amandman II na Prijedlog Zakona o plaćama i naknadama policijskih službenika Zeničko-dobojskog kantona", koji glasi:

### "AMANDMAN II

U Prijedlogu Zakona o plaćama i naknadama policijskih službenika Zeničko-dobojskog kantona, u članu 38. na kraju teksta, umjesto tačke stavlja se zarez i dodaje tekst "a primjenjuje se od 01.01.2018. godine."

### II.

Amandman iz tačke I ovog Zaključka postaje sastavni dio Prijedloga Zakona o plaćama i naknadama policijskih službenika Zeničko-dobojskog kantona.

### III.

Zaključak sa obrazloženjem upućuje se u dalju skupštinsku proceduru.

### IV.

Zaključak stupa na snagu danom donošenja.

Broj: 02- 88- 10055 /17.  
Datum, 23.11.2017. godine  
Zenica

#### DOSTAVLJENO:

1x Ministarstvo unutrašnjih poslova,

Stručna služba Skupštine

1x a/a.



PREMIJER

*Miralem Galijašević*

## **O b r a z l o ž e n j e**

### **PRAVNI OSNOV:**

Pravni osnov za donošenje zaključka sadržan je u odredbama člana 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj 7/10) i člana 133. stav (2), 134. stav (5) i 139. stav (3) Poslovnika Skupštine Zeničko-dobojskog kantona-Novi prečišćeni tekst ("Službene novine Zeničko-dobojskog kantona", broj:7/12 i 12/13).

### **RAZLOZI DONOŠENJA:**

Predloženim tekstom amandmana II se precizira početak primjene Zakona od 01.01.2018.g. kako ne bi bilo pravne dileme u pogledu početka primjene Zakona. Sljedeći argument za predloženi tekst Amandmana je kraj budžetske godine i obračun plaća po trenutno važećem koeficijentu kao i Zahtjev Sindikata policije Ministarstva unutrašnjih poslova Zeničko-dobojskog kantona broj S-11-96/17 od 20.11.2017.g. kojim se traži primjena Zakona počev najkasnije od 01.01.2018.g.

U vezi sa navedenim Ministarstvo predlaže Vladi Zeničko-dobojskog kantona da donese Zaključak o utvrđivanju Amandmana II, kao u prijedlogu.